

Inatsisartut Suleriaasianni § 37, imm. 1 naapertorlugu apeqqutit tulliuuttut Naalakkersuisunut saqqummiuppakka:

**Naalakkersuisunut apeqqutit:**

1. KNR-mut aningaasaliissutit sumut atorneqartarpat?
2. Ukiuni kingullerni tallimani piffinni radioqarfinnit piffinilu TV-qarfinnit aallakaatitaassianut aningaasat qanoq annertutigisut KNR-p missingersuutinut ivertillugillu atorpai?
3. Ukiuni kingullerni tallimani piffinni radioqarfinnit piffinilu TV-qarfinnit aallakaatitaassianut pisinnermit naatsorsoqqissaakkat takorusuppakka.
4. TV-kut isiginnaartartut radiokkullu naalaartartut siusinnerusukkutulli annertutigusumik piffinni radioqarfinnit TV-qarfinnillu aallakaatitassianik tusarnaarsinnaajunnaarlutillu isiginnaarsinnaajunnaarput. Tamatumunnga suna patsisaava?
5. Radiokkut TV-kullu aallakaatitat tamatigoortuunissaat KNR-mut inatsisitigut piunasaqaataavoq, aallakaatittakkani qanoq annertutigisut piffinni radioqarfinnit TV-qarfinnillu aallakaatitassiaappat?
6. Piffinni radioqarfiit TV-qarfiillu KNR-mut annikitsuinnarmik tunisassiortarput, KNR-mmi aallakaatitaasa amerlanerpaartaat Nuummit aallaaveqarput. Inatsisitigut tamatigoortuunissamik piunasaqaat qanoq KNR-p qulakkiilersaarpaa, taamaalilluni KNR-p piffinni radioqarfinnit TV-qarfnillu aallakaatitassianik pisineratigut sineriammit aallakaatitassiaqartarnek qularnaarneqarfsinnaaqqullugu?
7. Ukiuni talliamni tullerni piffinni radioqarfinnit TV-qarfinnillu aallakaatitassanik pisortortarnek KNR-p qanoq pilersaaruteqarfigaa?
8. KNR-p Nunatsinnilu Tusagassiutulerisut Kattuffiata (NTK) akornanni suleqatigiinnissamik isumaqatigiissuteqartoqarpa NTK-p soqutigisaanik isumannaarisunik? Naamiuppat, KNR qaqugu NTK-mik taamaattumik suleqatigiinnissamik isumaqatigiissusiulersaarpa?
9. KNR-p NTK-mik qaninnerusumik suleqateqarneq aallarteqqilersaarpaa?

(Inatsisartunut ilaasortaq Doris J. Jensen, Siumut)

**Tungavilersuut:**

KNR-p 2020-mut ukiumoortumik nalunaarusiaani qupperneq 16-mi "tunisassiornermut aningaasartuutini" ukiumut 887.266 kr-nik atuisoqarsimanera, missingersuutigineqartullu 2.414.667 kr-niunerat takuneqarsinnaavoq.



Ukiuni kingullerni tallimanit qulinut KNR piffinni radioqarfinnit TV-qarfinnillu aallakaatitassianik ikittuinnarnik pisiaqartarpoq, taamaalillunilu tusarnaartartut isiginnaartartullu siornakkutut annertutigisumik piffinni radioqarfinnit TV-qarfinnillu aallakaatitassianit tusarnaarnissamut isiginnaarnissamullu periarfissaqanngillat, KNR-mmi aallakaatitaasa amerlanerpaartaat Nuummi aallaaveqartuusarmata.

Piffinni radioqarfiit TV-qarfillu nungukkiartuaarlutillu ilungersunartunik atugassaqarput, taamaammallu piffinni oqartussaaqataaneq ilungersunartorsiortinneqarpoq, taamaalillunilu piffinni radioqarfinni TV-qarfinnillu politikikkut piffimmi pisunik oqallinnerit navianartorsiortinneqarput. Tamanna ilaatigut KNR-p NTK-p ilaasortaanik killilimmik suleqateqarnera tunuliaqutaralugu pivoq.

Allatut annertunerusumik tunngavilersuuteqarnanga, apeqqutima ullut suliffiusut qulit ingerlaneranni akineqarumaarnerat kissaatigaara.